

To taub txog xeev Minnesota txoj kev pab txhawb nqa thaum yau (*Daim hais luv zog*)

Understanding the Early Intervention System in Minnesota (Condensed version) — Hmong

KeV pab txhawb nqa thaum yau yog dab tsi?

KeV pab txhawb nqa thaum yau yog ib txoj hau kev muab ntau hom kev pab los ua ke txhawb tus me nyuam txoj kev loj hlob thiab kev txawj ua thiab muab kev txhawb nqa rau tsev neeg nyob rau thaum me nyuam pib loj hlob. Cov kev pab txhawb tus nqa thaum yau rau cov me nyuam muaj hnuv nyoog txij thaum yug mus txog 3 xyoos uas lawv muaj cai tau no yog cov hais tawm hauv tsab cai kawm ntawv ntawm tib neeg tsis taus (Individuals with Disabilities Education Act). Lub hom phiaj ntawm cov kev pab txhawb nqa thaum yau yog pab tsev neeg tu kom tau lawv tus me nyuam mos thiab tus mus taus kev uas muaj kev loj hlob qeeb los yog muaj ib qho tsis taus.

KeV txhawb nqa thaum yau muaj dab tsi nrog?

Cov kev pab txhawb nqa thaum yau no yuav muab coj los txheeb xyuas raws li txoj kev npaj txhawb tsev neeg (Individualized Family Services Plan, IFSP) uas yog tsim los pab koj tus me nyuam thiab tsev neeg. Cov kws muab cov kev pab txhawb nqa thaum yau yuav nrog tsev neeg tham thiab xyuas meej tias lawv tau muab cov kev pab thiab zej zog txoj kev txhawb nqa tib sis, nrog rau cov kev txhawb nqa hauv tsev neeg, coj los koom ua ke kom pab tau raws li qhov tus me nyuam thiab tsev neeg xav tau los pab. Txhua yam kev pab txhawb nqa yuav tsum tsim los txhawb kom tau tus me nyuam txoj kev loj hlob raws li txoj kev tu nws txhua hnuv. Txoj kev muab cov kev pab txhawb nqa los pab tus me nyuam kuj nyob ntawm siab nyiam thiab xwb thiab koj muaj cuab kav xaiv cov kev pab muaj tseg lawm rau koj tus me nyuam thiab tsev neeg.

Cov kev pab txhawb nqa thaum yau rau tsev neeg uas tsis raug nqi dab tsi yuav yog:

- Kev qhia tshwj xeeb thaum yau thiab cov kev pab cuam nrog xws li kev qhia xyau

hais lus, kev qhia xyau kom tes taw muag thiab kev qhia ua kom ib ce muag

- Cov tswv yim qhia kom koj tus me nyuam xyau txawj ua ub ua no nyob hauv tsev
- Kev coj mus muab zej zog cov kev pab uas yeej txhawb tau los lawm

Tsev neeg yuav koom npaj txoj kev pab txhawb nqa thaum yau tau li cas?

- Koj yuav tsum sau ntawv tso cai ua ntej yuav pib muaj kev ntsuam xyuas tawm los los yog yuav muab ib qho kev pab tawm tuaj
- Tej zaum koj yuav caw tau tus txheeb ze, phooj ywg, los yog lwm tus mus koom kev sib tham npaj cov kev pab no txhua zaus
- Koj muaj cai muab kev txiav txim siab hais txog kev npaj los pab koj tus me nyuam
- Koj yuav xaiv tau tag nro cov kev pab, yam puav los yog tsis yuav tej kev pab ntawd.

Cov kev pab txhawb thaum yau no yuav muab tuaj pab rau qhov twg?

Qhov tiag ces cov kev pab txhawb nqa thaum yau no yuav muab tuaj pab rau hauv tsev, qhov chaw zov tus me nyuam los yog qhov chaw npaj pib kawm ntawv (Head Start). Cov tuaj nrog npaj cov kev pab no yuav tuaj qhia koj tus me nyuam thiab qhia koj, lwm tus hauv tsev neeg los yog tus zov koj tus me nyuam cov hau kev zoo los siv cov dej num ua txhua hnuv los pab koj tus me nyuam.

Tes dej num yuav tau ua nyob hauv cov kev pab txhawb nqa thaum yau

Nov yog cov lus hais qhia me ntsis txog tes dej num yuav tau ua nyob hauv txoj kev pab txhawb nqa thaum yau. Nov yog cov caij nyoog uas yuav tau ua tes dej num kom tiav.

Kev xa npe tawm

Yuav tau xa tus me nyuam npe tawm mus rau qhov chaw muaj cov kev pab txhawb nqa thaum yau kom sai li sai tau yog muaj kev txhawj txog kev loj hlob qeeb los yog twb tau tshuaj xyuas pom lawm. Niam txiv, tsev neeg, cov kws kho mob, cov tsev kho mob, cov kws saib mob rau zej tsoom, cov muaj qhov chaw zov me nyuam los yeej muaj cuab kav xa ib tug me nyuam npe tawm mus rau qhov chaw muaj kev pab txhawb nqa thaum yau.



Muab npe/tshawb xyuas

Ib tug hauv qhov chaw muaj kev pab txhawb nqa thaum yau yuav hu tuaj nrog koj tham txog qhov koj txhawj xeeb txog



**Muab tus tuav kev pab/tus nrhiav kev pab
Muab kev ntsuam xyuas/Txheeb xyuas seb puas tsim nyog tau cov kev pab**

Qhov no yuav tsum muaj nyob hauv 45 hnuv tab txij thaum tau xa npe tawm lawm. Ib pab kws txuj yuav ntsib koj thiab koj tus me nyuam thiab tshawb xyuas seb puas tsim nyog muab cov kev pab rau koj tus me nyuam.



**Yog tsim nyog muab kev pab lawm ces yuav tau muaj ib lub
rooj sib tham los npaj txoj kev npaj txhawb tsev neeg**

Ib pab kws txuj yuav ntsib koj thiab yuav tuaj tham txog qhov tshawb xyuas tau thiab sau txoj kev npaj txhawb tsev neeg. Yog tsis tsim nyog muab kev pab rau koj tus me nyuam los, koj yuav tau txais daim ntawv hais qhia li ntawd thiab hais txog zej zog cov kev pab muaj tseg lawm



Pib cov kev pab no tawm tuaj

Tom qab tsim tau txoj kev npaj txhawb tsev neeg lawm, niam txiv yuav tsum tau kos npe rau tsab ntawv teev kev pab tsev neeg no ua ntej thaum yuav pib tau cov kev pab no tawm tuaj.



Yuav tau muab txoj kev npaj txhawb tsev neeg no coj los tshawb xyuas ntxiv 6 lub hlis twg ib zaug



Hloov cov kev pab los yog puas tsim nyog muab kev ntsuam xyuas ntxiv



Rov tig los saib txoj kev npaj txhawb tsev neeg txhua xyoo



Muab kev pab tawm tuaj mus li



Kev hloov mus thaum muaj 3 xyoos

Thaum koj tus me nyuam muaj 3 xyoos lawm, nws yuav tau hloov mus rau cov kev pab pib kawm ntawv tshwj xeeb yog hais tias nws muaj qhov raug raws li qhov kev pab ntawd teev cia. Yog tsis muaj ces, mam li qhia koj mus rau zej zog cov kev pab uas tsim muaj tseg rau koj thiab koj tus me nyuam.